

松

風

閣

詩

鈔

松風閣詩鈔

長洲 彭蘊章 詠我

卷九 硯北集 古今體詩五十六首

芝軒相國有元旦詠菊詩奉和元韻

丙午

秋菊經冬花未殘
欲同梅萼破春寒
皤皤黃髮路公壽
落落金英楚客餐
賴有東風容爾傲
何能老圃徧人看
自從一別柴桑徑
四度窗前白玉盤

題宋趙忠簡

鼎

忠正德文集

炎宋失汴京
倉皇出南渡
建業復臨安
車駕頻移駐
金兵渡河來
淮泗叛劉豫
中原暗煙塵
長江幾難據
趙公

眞宰相胸中羅武庫一言決親征再駕勤鑾輅遂定偏
安局中與延國祚樞密兼平章明良慶遭遇君臣相得
時奚啻腹心布未幾聽讒言貶置潮陽路復移吉陽軍
憤懣騎箕去公在吉陽軍不食而死臨終自書銘旌云身騎箕尾歸天上氣作山河壯本朝朝
廷能任賢所患在朝暮斥公是何心欲堅和議故覲顏
忘父仇奸檜得阿附南朝兩忠簡一宗忠簡公澤皆爲執政誤
豈惟岳忠武三字冤難訴騎驢湖上人心知國有蠹寥
廓羨鴻飛聊免弋人慕自來治國家端賴臣工助其原
在君心忠佞皆無預

白頭翁

斜日晶簾上玉鈎梨花院落聽啁啾羽儀莫似冰衙冷
世上三公重黑頭

惜春鳥

嬌鳥枝頭弄巧聲風吹紅雨滿春城山中花果人爭摘
負爾殷勤絮語情

鳥聲曰莫摘花果

反舌

啄木畫符能辟蠹鴟鳩拂羽解催耕笑他反舌渾無賴
學得如簧百種聲

伯勞

桑林一鳥喚淒迷招得殘魂車蓋栖自古男兒憐後婦

伯勞休向阿耶啼

天上何所有

天上何所有桂樹生廣寒托根雲霄際千載枝葉完吳
剛爾何人持斧來斫之似聞丁丁聲桂影終不虧諒抱
堅貞性天公豈有私豫章蔭十畝謂當金石壽木魅穴
其心摧折樵夫手惜哉摧爲薪不復見輪囷若留枯槎
根還達斗牛津

分詠盤中食物得紫菜

海苔誠有類沙際疊如茵帶日輝珊瑚網隨潮襯錦鱗
綃紋共細蟬翼割初勻任爾瀛洲產酸鹹世味均

題唐六如畫南柯醉臥圖卽用自題原韻

杈枒古樹罩空庭有客酣眠枕酒瓶夢裏何人知是夢
醒來還恐未全醒

附錄原作

盲騰一醉臥空庭席有蓑衣枕有瓶塵海功名心
已斷南柯不到不須醒

偕曹良甫比部

樵堅

校定亡友王井叔嗣雅堂遺

詩刊成志感

平生詩友誰最親井叔而外少其人數年講貫共晨夕
所學微異同一源我時挾策志干祿雖慕風雅用力分

君獨專精攻六義健筆欲掃千人軍陸機作賦年二十

君如其年詩不羣盛名藉藉滿吳下曹

良吳清甫如朱西沈

生

功韋君

倫詩壇旗鼓各相敵我亦執鞭趨後塵南

園草綠踏青至敲碁飲酒笑語溫有時冒雨君訪我有

時衝雪我詣君裁詩刻燭忘寒暑歸途烟月迷黃昏春

明我偕計吏去君亦作客升江濱隻雁關山愁弔影飄

蓬原野悲無根扁舟渡江歌將母巫陽下召歸其魂是

時君年二十八九月八日歲甲申劉綱去後婦相繼下

無黃口家無田七旬老母撫棺哭行路聞之涕淚潛鳴

呼君才阨若此令我搔首呼蒼天風花瞥眼幾寒燠我

時方壯今華顛蒐緝遺詩付鈐版寸心欲向千秋傳嗚呼君詩雖洵美假年當更精且醅若使君手自編定琢磨鎔冶金玉堅我今才薄難爲役憑臆去取恐未安商榷幸有君畏友良儻無餘憾銜黃泉我詩當年乞君序君詩今亦綴我文我文猶未盡我意更以韻語書其端

送吳主事

嘉注

典試蜀中

霏屑清詞下筆神冰壺朗照絕纖塵鳳池愧我推前輩鸞掖如君有幾人洗眼嶠山千歲雪醉心錦水萬花春杜陵芳躅草堂古待把茱萸一問津

蛙聲

不見水田處空聞兩部喧炎蒸忘北地雨過憶南園靜
躁非關汝官私總不煩燈前欹枕聽催夢到江邨

讀葦間叔父遺詩盛稱梁家園風景清幽每攜客
遊覽時乾隆六十年前事也今遊其地已成穢區
感而有作

我居此地已八年不聞左右有林泉前賢探幽每到此
招邀詩客停吟鞭詩中盛稱壽佛寺喬木蒼秀依梁園
小橋流水抱曲徑清磬一聲心曠然今來此地一憑眺
寺門古樹寒鴉噪荆榛深處號穢區佳客尋芳豈肯到
滄浪清濁孺子知修士立身當鑒茲剗削不逢柳子厚

何來愚谷更愚池

若溪歿將一年其兄遣子迎柩南歸詩以哀之

憶我識王郎藥階珥筆始樞院復同曹相隨廿年矣食
必與同饌書必與共几其外樸無文其中溫而理詩才
平子工酒德伯倫美黔陝再持衡甄拔多佳士清切依
綸扉名位方日起何圖鵬鳥翔遽兆賈生死五十竟無
兒承祧還有待長女吾子婦其餘皆稚齒哀哀撒瑟時
後事孰經紀孤櫬託招提忽忽星霜改丹旄有人迎兄
弟子猶子卜以季夏辰艤舟歸故里相送鳳城闕死生
別乃已惻愴結衷腸作詩當銘誄何日西湖濱奠君一

杯水

和艮甫見贈作奉酬

水犀鱗縞不同科援古方今竟若何漫擬清風刪汰甚

須知三百已嫌多

原作有比似清風客已多之句黃魯直自號清風客手定詩三百八篇

豪宕詩沿玉局風西臺計日控花驄蠻溪瘴嶺身都到

未許遊山讓謝公

艮甫遊滇蜀粵東所著異雲閣詩集多遊覽山川摹寫奇境之作

詩境恢恢藉博聞胷羅萬卷筆超羣嘔心長爪囊中句

喟我難爲元晏文

時余序井叔遺詩刊行

三徑風流去不還

感蔣澹懷

奇才到死不會殊中年各抱黃

壚感

君與澹懷友善刊其遺詩行世

爲弔詩魂望故山

余以泥金扇贈吉甫吉甫爲書史晨後碑仍以贈

余賦謝

吳工製此聚頭扇髹漆其骨金其面攜來燕市拂清風
重之不啻如東絹我持相贈非索書君書報我情有餘
史晨饗碑漢筆法點畫道勁姿敷腴君於分書久深造
十年前已窺堂奧有鄰擇木不復生墨卿伊君秉綬未谷桂君
馥差同調秦漢殘碑我舊藏平生學篆隸未遑臨摹到
今始有志老年筆力嗟頽唐乃知習藝貴年少小能綴
文老更蒼斑鬢不堪問新業但溫舊學期無荒

猛虎行

乍可飲田家瓦缶樽不願瓊瑤無當后瓊瑤豈不貴無

當將何施

一解

飢食一升粟聊用果吾腹采芝服食可延

年木菌如芝中有毒

二解

肩負千金行百里子來分任我

心喜誰知顛蹶草間死子誠仁人兮惜非壯士

三解

南山

烈烈飄風怒號虎豹鬪兮熊羆咆懷賁育兮我心勞

四解

夏日澄懷園訪何根雲太常

桂清

仙山樓閣何岩堯玉皇案吏居逍遙澄懷之園饒水木
菱荷香裏過虹橋太常供奉南齋久挾天才藻鄒枚手
閉門終日嗜揮毫愛客連番替呼酒求書索飲來盤桓
況有園林供靜觀嘉蔬乍剪瓊瑤圃游鱗初落珊瑚竿

豈惟清談佳興劇更因飽飫老饗歡憶昔我居七峯墅

步屨君聯曲江侶

往余在閩直君每偕張小浦同年步行過訪

江東三載閱

星霜冀北幾人話風雨

小浦視學江蘇今三年矣

卽今玉尺待君持

太史輜軒四出時好趁新涼數相見行看一別三秋期

會稽宗滌樓農部

稷辰

於其鄉館建正氣閣祀越

中先賢之忠烈者凡若干人有紀事詩見示奉酬

天目挺神秀屹然南戒宗磅礴聳會稽屏翰諸州雄地

靈人物盛理學開儒風俗美質強毅時危肯效忠勝國

當未造倪施芳烈同

倪文正元璫施忠介邦曜

周鳳翔

劉忠端

及邢惠忠

余

忠節

碧血灑江東後有張忠節

焜

族沒洪濤中實皆

此邦彥思建回天功良由風化美豈曰山川鍾我
朝勵臣節表揚存大公一字榮袞繡千秋激愚蒙風聲
所鼓動無私如化工君今修祀事肸蠁幽冥通扶持在
名教非獨桑梓恭我吳周忠介至今祠宇崇生民有懿
好不殊五尺童況集青雲彥遙寄尙友衷秋髮開傑閣
焚香薦晚菘恍見諸英魄乘雲下蒼穹

螢火示祖賢祖彝

銀蟾韜素輝繁星炳光曜
蛭膏已成燼螢火虛庭照
斤雖小明猶勝幽室誚
不然終夜求何能辨奧窔
觀物可悟人破愚在受教
莫輕一得知才識因之劭

獨漉篇

獨漉水中泥水深沒我足沒足何傷兮我行卻曲

解一孟

施非必勝北宮不目逃屈伸從所尚二子皆人豪

解二勇

者招尤兮懦者受侮我思古人兮柔亦不茹剛亦不吐

三犬嗥於室叱之則逸從而扶之乃奔乃齧

解四鬼嘯於

梁聽之無傷從而祝之乃立於堂

解五我觀之子玉佩瓊

琚芻蕘可獻舉此一隅

解六

采芝行贈義烏朱介泉翁

標

義陽朱翁年七十白鬚未半朱顏酡平生導引資服食
肯令歲月空蹉跎早歲滇池依花縣點蒼山麓庭幃戀

歸到吳門作寓公春花秋月幾回換壯士腰間繡寶刀
尙餘肝膽向人豪身行萬里惜馬足心輕一第如鴻毛
不愁結客黃金盡祇恐求仙青髻凋賃廡梁鴻忽已老
浮家范蠡曾見招逃名未掃行雲迹諸侯爭聘虛前席
聞道淮南桂樹秋囊書仍作天涯客青山如畫送扁舟
鶴市人歸謝遠遊從此采芝尋四皓白雲天際共悠悠

秋夜懷介堂

長安今夜月應共故鄉明歷歷征鴻影蕭蕭落木聲山
中謝逋客天上識君平千里滄江路臨風無限情

題艮甫曇雲閣詩集

下筆挾奇氣颯然風雨來山川滿眼底弔古心悠哉落
落辭芸館遲遲到柏臺陰何去千載與我撥殘灰

招振山弟

蘊策

應京兆試不果寄懷一首

坐對秋風感髣毛半生辛苦歎吾曹鹿城細雨連雙屐
巖社驚波共一舸

辛卯秋偕余南下舟行高寶湖極風波之險

二頃未荒嗟

穀賤十年不見使心勞挂帆仍向白門去日暮金臺燕
雀高

孤雲篇寄懷袁韻亭師

寶樹

孤雲曳晴空文采一何綺飄搖離巖岫清影照潭水淵
明對此感貧士我對孤雲思我袁夫子單寒其族誰堪

依行年四十三喪妻筆耕而食子女嘗啼飢或居葑溪
之陋巷或居齊女門前荒涼寂寞無人蹊阨窮而不憫
勁節凌清秋書如文待詔詩似高青邱芒鞋布襪山間
遊推蔽一字郊島心肝摻秀才挾策三十載博士一官
不可求袁夫子問年六十六未脫齒牙未眵目幽蘭獨
秀在空谷喬松耐寒姿沃沃別來坐歎光陰速何時相
遇湖山曲山高水長秋氣清我詩蒼涼激楚聲孤雲天
半爲我停浮空藹藹若有情雲兮莫逐飄風散待我支
硯鄧尉百尺蒼厓畔

檢閱亡友沈師竹茂才

林

所臨甌塔銘志感

瘦沈吾同塾躬耕在硯田挑鐙共遙夜撒瑟感青年書
本率更慕銘因敬客傳春風吹葑水墓草又芊芊

拂蠅

蒼蠅雖可憎不點玉壺冰奈何紛啖食滿几列羶腥此
地多可欲安能避營營呼僮拂蠅去旋復薨薨聲悟斯
由自召澹泊衆忘情一朝虛其室但覺清風生蠅來不
須拂何況本無蠅

燒蠹

炎天豹腳蠹黑暗吮人血勢衆不可揮火攻堪翦滅或
言蠹害小非比蛇與蠍胡不相寬容至煩一炬烈豈知

本居詩金 卷之六
么麼族災乃肌膚切未聞縱奸民而云不嗜殺今宵斗
帳清解衣但捫蝨無力驅豺狼聊此懲饕餮

秋暑用輓轡體

暑威如酷吏一去民氣蘇奈何行復止不使清風噓萬
衣晨更著蒲簟夕仍鋪知有甘霖到雷聲鼓太虛

詠金錢花

黃花朵朵樣如錢野菊籬邊其闌妍雙陸輸餘梁掾借
五銖夢裏鄭公傳貧家種此愁無地廉吏看時信有天
聞道玉山金粟滿拋殘萬斛到霜前

題唐六如畫桃花源圖

世間豈有桃花源誰從物外起
出園淵明遭亂思避世
造此奇境爲寓言右丞題詩最清絕
六如作畫今無匹
春水瀾瀾紅艇移春雲靄靄青峯出
桃花萬樹夾江津
咫尺仙源隔俗塵張果自言生堯世
太元何必無秦人
六如家住桃花塢埋骨花間覆香土
至今拱木亂鴉啼
闔閭城畔吹紅雨

有木十六章

有木以聖名食之令人智醴泉沃其根
丹砂布其地曠
世偶挺生蔚作神州瑞姬喜產靈蓍
孔庭植古檜此木
其千秋清風開八會

有木名風聲傳自東方朔昔在縉雲時
蔚鬱生阿閣或如琴瑟響或如金革作
聲音別文武休咎占榮落恍與格人遊
不待元龜灼

有木名爲桑其實堪療飢葉肥飼春蠶
吐成機上絲上者爲黼黻下者作裳衣
其功在萬世直與五穀齊東夷貢吉貝
西戎獻織皮何如素絲美藻火虞廷施

有木以貞名亦號冬青樹凌寒葉不凋
巖壑飽霜露開徧青白花纍纍子無數
實秉少陰精如士守寒素保茲介石心
落落歲云暮桃李倚東風只爲繁華誤

有木名射干寸莖茁鷲嶺甘露流其根
丹霞染其頂良

由所處高何曾百尺挺君子貴自立失足常自警就士
慎交遊擇鄰爭處境三復孫卿言令人發猛省

有木名松柏天生棟梁材任土曾作貢夏殷並樹之茨
苓結蟠根鸞鳳棲高枝獨抱堅貞性詎憂斧斤施幸勿
摧爲薪終當露瑰奇

有木名梧桐龍門聳百尺特立山崖中秉性自孤直伯
牙裁爲琴鏗鏘和金石中天奏簫韶雲間翔鳳翽惜哉
先秋凋未堪雪霜積賈生豈無才顏淵終有德樛栲永
其年令人長太息

有木名如何其實形如棗食之得地仙三光同不老我

懷命名意憂心何懞懞初筮未堪從三思以爲寶鹵莽
實多愆從容乃中道不曰如之何聖賢亦難保

有木名無憂初植纔盈把俄見質輪囷枝葉蔽九野合
歡芘其根萱草榮其下欲呼岐山聖移種鄠京社奈何
石頭城自比無憂者三閤逞荒淫六宮侈風雅不見關
雎詩寤寐憂心寫

有木名楊柳嫋娜風煙中栽傍靈和殿眠起多丰容攀
條贈行客縷縷芳情濃柔姿弄春靄弱質零秋風取材
成栝橈不堪大匠逢槎枿水濱臥蟻穴中心空

有木名爲桂味辛長百藥宗生皐塗山霜天葉不落雜

樹不得參何況穀木惡滿山播芳烈二氣無舛錯將才
比孫吳相業似伊霍猛力甦沈疴匡時有勇略

有木以強名方寸繫巨石縋之入海中浮如挂帆席堪
逐鵬鵬遊不患鯨龍得我聞弱水頭愁煞乘槎客有舟
強若此何殊翅生腋我欲攜斧斤採之傲松柏

有木以檀名古稱爲善木其質重而堅取材中車輻別
種制良弓九合緹縻束脊言武備修樹此十年足揆櫨
非眞材相似亦可蓄作歌告山虞佇立望空谷

有木名無患密葉相對生作器能辟惡焚之香氣清神
巫裁作棒殺鬼驅六丁鍾馗能啖鬼其神久不靈擲掄

敢作崇嘯梁多怪聲人烟滿城邑忽見燐火青我欲祓
不祥持棒中宵行

有木名返魂香聞數百里玉釜煮其根金丹未堪擬死
者得復生生者長不死邪術始黃巾流傳殊未已殺人
亦無數蒿自觀前史安得返魂香千秋拯赤子

有木以模名四時色皆正惟生周公冢不與凡木競有
楷植孔林千秋枝葉盛製杖扶顛危內含金石性榮哉
此二木托根依古聖貝多來西域如樂分雅鄭

邨塾

大寒雞鳴早家貧兒子好所見無異物鉏耜及灑掃日

出抱書來出塾送歸鳥問童何所求文字粗通曉禮義
可守身力耕以終老誰家紉袴子聰明矜小小嗜欲紛
相攻廉隅不可保蹉跎久無成門戶嗟潦倒

瘦馬

日暮宿荒驛瘦馬齧殘芻峻嶒支病骨力弱不勝車比
年海波清官程無羽書驛卒縱侵尅棧豆幾無餘哀鳴
羈櫪下俯首行長塗躑躅郵亭路馬質何嘗驚

病鶴

庭中有白鶴毛羽何蕭索顧影臨清池徐步依叢薄鍛
翮已多年無心慕寥廓雖云難奮飛幸此免繒繳婆娑

蒼苔徑風月滿邱壑仙骨願長生惜少淮南藥

再題嗣雅堂詩鈔

商畧新詩到幾篇寢門慟哭菊花前

并叔以重九前一日卒

名山

事業堪千古文字因緣盡十年齊物原知生有數多才

畢竟損其天歸鴻夢斷江湖影廿四虹橋起暮烟

并叔時從

揚州遊幕歸

漢鏡歌

此鏡購之二十有四年長安市上幾貫青銅錢其文二十有八字分書宛轉鏡背鐫良工刻畫致精巧東京筆法神氣全方之古碑有如益州刺史北海相鸞野鶴翥

妙入秋毫顛又如巴里坤勒裴岑紀功石磨崖巉絕筆
勢凌雲烟蠶絲一縷橫空盤六鈞之弩人傳觀環以海
馬葡萄紋精光黯黯輕且堅有時可使卓爾立車輪轉
轆几上旋平時韞匱等美玉偶然出匣碧盞青燈前我
聞照膽照心經百鍊奈此模糊不堪照人面寶貴徒因
時代遙古人白髮對蕭蕭流落千秋塵不澣當筵猶足
爲君豪嗟哉玩物先儒戒嗜古亦是三生債金石紛紛
考訂家各書所見何能備凋戈象尊不可逢摩挲古物
心忡忡

受業蔣彬蔚校字

松風閣詩鈔

畏洲 彭蘊章詠我

卷十 乘輶集 古今體詩六十一首

丙午八月視學閩省留別同鄉諸友

抽毫樞院幾星霜纔得拚閒話故鄉

甲辰乙巳俱偕諸同人爲消寒之集

仙嶠壯遊情自快清樽別意與之長有人試院扃門緊

不見秋山策馬忙

一山心畬皆在秋闈未及話別

今夕夢隨南雁去滄

浪亭畔柳條黃

良鄉行館贈周晴溪明府

所

相逢曾記落花天

已卯春官試始與晴溪相遇京師

客館青燈別幾年

雉堞參差臨屋背雁聲嘹唳到霜前初停車馬勞人慰
喜聽絃歌邑宰賢我趁秋風渡揚子家書爲向惠山傳
君家無錫

涿州曉發

曉來山氣清初日照高城旅客關河思困家刈穫情寒
林飛鳥散霜逕隻驢行獨鹿西峯景蒼蒼馬首迎

新城卽景

風勁日將暮田家猶未休秋禾知已穫扶犁行隴頭稚
子村中來驅歸三兩牛及時當種麥遲恐霜雪稠我行
未卽次悵望前路修長天雲欲暝宿鳥平林投

白溝河道中

陸行見帆影南客心悠哉我欲渡河去深秋鴻雁來
乘槎凌海國弭棹倚江隈此日燕南道紅塵馬首開

行至德州祖芳自武城來迎詩以勗之

佐邑絃歌地所司汝念哉環濠三里近轉漕萬檣來
孔道難爲役卑官易見才餘風文學尙懷古仰濬臺

長清行館望嶺山

嶺山聳當戶攢石千百拳石罅無雜樹青松繞山巔
特立勢磊落槎枒根鬱盤山行得奇境坐令眼界寬
來程已偏仄去路復巘岼眷念乘車客轉側不得安
行役信

勞苦況茲風日寒山僧茅菴往鳴鐘方午餐

行至齊河陳慈圃廉使

慶偕

前來話別越日至泰

安卻柬

九臯一鶴振清聲早識三霄聽更明世上廉泉能有幾
山中芳杜不忘情秋宵翦燭郵亭話曉露沾衣從騎行
今日馬頭瞻岱岳頻年嵐翠映雙旌

君三至岱

初八日至泰安法敬堂太守

豐阿

姜玉溪明府

官

綬訂次日爲登高之敘詩以卻之

岱岳當前正重九殷勤地主約登高攜筇豈不風流慕
駐馬其如供億勞日觀記曾攀葛上海天敢詡泛槎豪

雞鳴長揖郵亭下落帽風寒首重搔

泰安懷胡實甫歸德

憶昔同登岱岳巔籃輿縹緲入雲煙

庚辰應春官試高偕實甫遊岱

巖二月飛殘雪幽澗千尋響碧泉攜客尋山虛此日呼

兒策馬話當年

時六兒祖壽隨侍同行

宋州太守今春別寄與新

詩應黯然

重九日由泰安至新泰度嶺作

重陽無雨亦無風百里經行赤日中滿地流泉人迹少
摩天高嶺馬蹄通孤村大樹秋還綠峭壁斜暉晚更紅
屈指陸程今過半鄉心遙寄菊花叢

由新泰至嶺陽遇雨

秋陰漠漠羃山莊
澗水聲中夢亦涼
片石橋欹徒涉穩
隻輪車重手推忙
飄來細雨微塵淨
行過清溪晚茝香
隱約人家煙樹裏
僕夫遙指是嶺陽

蒙陰攝令朱子湘

源

來謁知爲故友月
眈明府

欄

之弟詩以志感

蒙陰道上雨絲絲
傾蓋相逢慰我思
三十年間懷故友
二千里外結新知
西泠宿草元方杳
東國分符季重遲
喜見棣華還競秀

令兄瀚二泉
任江蘇令

盼君名上

御屏時

十二日宿青駝寺

落日青駝寺征鞍喜暫停
嫩寒凋樹綠微雪破山青
寒
列秋將盡崎嶇路已經
來朝渡沂水照見髮星星

由郟城至峒崕

已入江南境秋深氣候和
晴波流碧藻宿雨洗青螺
村樹初收柿田家早刈禾
行行鄉思切歸計感蹉跎

桃源雨中

秋雨桃源路濃陰掃不開
白沙雙鷺立紅樹一村來
車繞清溪曲人喧午夢回
馬嘶泥滑滑驛路破蒼苔

桃源旅次晤芝孫叔

久作淮南客相逢鬢點霜
家山千里遠愁緒百端長
歸

計同難卜生涯各一方且乘官舫去騎鶴問仙鄉同至揚州

清河舟次晤霽峯兄

垂老思鄉切中途喜見兄
依人終下策有子望成名
綠酒殷勤酌蒼顏歲月更他鄉
逢舊雨適館記彭城

清江贈顏敘五觀察以煥

金聲劍氣與軒昂西塞從戎著
襦襜五鳳樓頭同橐筆
七峰墅裏記聯牀敘五與余同值內閣後又其在樞廷二年
朝來淮北西風

緊秋盡江南水驛長彈指六年光
景換離情又結柳條

黃

清江舟次知鳳高姪秋闈中式詩以志喜

少小能詩長更才秋風剛賦鹿鳴來漫誇王謝門材盛
須念高曾世德培紫燕嘶風辭苜蓿青鸞拂羽向蓬萊
淮南落木家千里喜見賢書倦眼開

露筋祠

古廟荒煙合門臨萬頃波依人慙魯婦抱父憶曹娥庭
際榮貞木牆頭暗女蘿我來秋浪闊不見滿池荷

揚州謁芸臺相國

父執今誰在山中老相臣賢書周甲子仙籙守庚申寂
寞黃扉迹從容白社身頻年違杖履一笑又江濱

渡江懷三兒祖芬武城

十四年前渡揚子乘風與汝共江船兒童驚見波濤闊
弟妹方同枕席眠驛路星霜催我老巨川舟楫讓人賢
天涯回首離愁結北固秋高起暮煙

鎮江舟次外孫汪兆圻隨其父曜炳甥來迎詩以
志喜

憶我辭家日謂甥誠可妻燕婉會幾時生兒年十四謂
當迎外祖隨父扁舟至生小性聰明言能讀禮記汝母
爲我女祖母爲我妹傳語各平安從容可人意我久宦
京華日月感逾邁昔入少年場今看推老輩客囊無長
物贈以容刀佩別我隨父歸倚閭母心慰

鎮江府學謁蔣塵緣師

景會

不遇

渡江趨絳帳問字溯前遊岸柳餘青眼汀蘆感白頭應
門惟五尺返轡待三秋來日胥江上還乘訪戴舟

自渡江日遇順風連日皆東風舟行甚遲

天假半帆風送余揚子東已爲江左客計日故鄉中

喜見來帆順運行我亦安東南風力緩終勝住江干

王

辰北行江口

守風三日

常州贈桂星垣太守

文耀

校射憶同堂西風點筆忙

癸卯十月余充順天武鄉試校射星垣時爲監試御史

每嘆金勒緩還喜角弓強贈策憐君別分符莅我鄉江

南來話舊相問有賢王

是科肅親王爲監射今年相見
園廷猶殷殷以星垣爲念

奔牛鎮喜仲弟至

去家百餘里絡繹故人來
蒼老驚吾弟空山歲月催
著書生眼纈譜曲關心裁
把酒滄江上紅塵首重回

西山祭先塋

鯨溪門外片帆開
子弟相從祭墓來
一別家山幾寒暑
重尋舊徑長莓苔
已虛捧檄毛生願
多愧題橋司馬才
手植松楸濃蔭滿
九天雨露受滋培

時先嚴初
受二品贈

還家與諸弟山房夜飲

別時送我到江干
乘傳歸來共一餐
離畔短松纔出屋

塾中童子已高冠相逢故里情何限信宿山齋夢亦安
此去蓬窗看畫景霜楓早染滿林丹

杭州夜飲吳姓舫學使鍾駿齋中

好風吹我到臨安落木蕭蕭水驛寒短棹頻年遊屐斷

高齋今夕故人歡荔枝風味談猶快君曾視學閩省薤菜鄉心

願暫完重過吳門懷大阮故山香雪有誰看昔侍棣華令叔於閩

梅詩社今過吳門愴焉有感

子陵釣臺

巖巖磐石枕江邊想見披裘坐釣年高節能忘天子貴
盛名還賴故人傳三篙碧漲濃春釀兩岸青山送客船

到此紅塵消欲盡淮陰回首渺雲煙

過烏石灘

兩山束如門中流一灘水水面浪層層水中石齒齒下
止數尺深懼石齧船底篙師并力撐雜遝喧聲起逆流
遇順風拮据還若此倘逢石尤阻日暮泊中沚搖櫓羨
來船輕如杭一葦

江山船竹枝詞八首

鳳山門外水連天好趁東風早放船幾日身行圖畫裏
蓬窗一枕小遊仙

霜晨水色碧於油想見春深鴨綠浮兩岸青山圍畫舫

富陽城郭水西頭

嚴陵臺下白魚肥
桐子山頭桑葉稀
一陣寒雲飄細雨
舟人齊著紫纓衣

邪許篙師度急灘
一川碎石水漫漫
水清見底深三尺
不怕風波只怕乾

石塘洪底石磐陀
未許輕舟月下過
行到蘭溪船便穩
樓臺十里映晴波

霜葉山頭漸染丹
西風一夜送新寒
渚花汀草多情甚
畱與蓬窗醉客看

鷺鷥灘畔水粼粼
行客看山過富春
聞說龍游溪更窄

蓬萊清淺幾千春

瞳矐放棹浪潏潏落日停舟水一灣共說江山名自古

行行卻不到江山

至江山縣須換小舟而入

夜泊羅埠不寐枕上口占

冬暖北風至打窗寒雨聲急湍舟不定孤客夢常驚歲晚添愁思天涯問遠程聞雞中夜起回首憶春明

遠行篇

山行偏涉水肩輿才下深澗裏水行若登山篙師叫號上石灘行四千里匝兩月一身常在山水窟山水糾紛肩欲攢黃塵翻使羨長安揚鞭九陌平如砥不識人間

行路難

龍游曉發

船到龍游水漸平
曉風吹送一帆輕
蒼茫煙樹人家遠
漁浦天寒聞雁聲

遇蔡劬菴太史

念慈

典試福建回京託寄家書

伯勞東去燕西飛
相遇江干舊釣磯

劬菴浙人

君過蘇州應

暫泊家書聊與附鴻翼

湖鎮卽景

日暮桐江路清波
鏡一匳危橋還有石
古塔欲無尖灘
過風初定帆收雨乍霑
蓬窗開四面殘月照纖纖

舟中晚眺與喬仙姪孚甲聯句

斜日川塗暝我詠扁舟渡口歸遠山雲絮擁仙喬急水雪花

飛江靜魚鱗躍我詠村寒木葉稀仙喬萬松蒼翠裏燈火透

林霏我詠

將至衢州作

浮江艇子一鴻毛行過龍游水漸高山色乍添終夜雨

灘聲如吼萬松濤崎嶇慣歷渾忘倦汗漫初遊欲告勞

閩嶠雲深容我住仙霞嶺畔謫仙遭聞李鐵梅閩學在浦城相待

由西安渡江至江山縣

陸行無百里喚渡又乘船日色雲陰駁溪聲石罅穿轉

輪看水碓種麥墾山田報賽豐年景迎神到嶺邊

度窑嶺作

驚嶺盤紆客乍登三峯南去路如繩

江郎有三峯冬山名三片石

蒼翠渾疑夏溪水潺湲不見冰蘿壁穿雲開絕境稻畦
因澗築連塍斜陽欲墮天逾暖嵐氣濛濛帶霧蒸

度仙霞嶺禱於山巔神廟

千盤石磴擁高樓覽勝應躋最上頭閩越山川秦絕塞
松篁古廟漢亭侯三年考校祈神鑒九郡文章給我求
聞道先儒崇理學願偕多士勵前修

楓嶺

夜寒風急曉霜輕薄霧霏霏驚嶺橫染出楓林丹萬樹

越山幽秀勝天平

吳中天平山
楓葉最佳

門前烏桕野人家誤認寒梅竹外斜鄧尉風光千里夢

劇憐舊侶獨看花

謂琴涵
觀察

曉發石陂驛

侵曉石陂路風聲木葉乾白雲停一塢紅日隱三竿樵

唱聞山徑漁歌下急湍板橋人迹少霜重怯新寒

南方
氣暖

時將冬至
始見濃霜

馬嵐卽景

落葉已如許泉聲還滿山化機原不息天道若循環幽

境畫難肖勞人心亦閒古碑應可讀下馬剔苔斑

建陽懷古

建溪古驛暮煙橫岡嶺迴環碧繞城欲向考亭尋故址

偶來閩嶠發幽情社倉良法思前哲試院遺風迪後生

聞說景賢文學盛要將月旦示公評

縣有景賢書院朱子裔孫多肄業焉

余因行程匆促畱題觀風

建溪行館遇大霧行至南嶺作

朝來寒霧重忽失窗中山行行三十里始見扶桑瞰石

徑芒屨滑僕夫走逡巡日暮逾南嶺楓葉隨鴉翻冬序

已將半南方氣猶溫狐裘虛在篋魯酒不待醕念此征

途遠舟車歷艱辛雲衢何寥廓越鳥求其羣行盡斗牛
野回看析木津

北津道中觀舟行

日高霧氣散水上煙濛濛白雲蔽青山隱約三兩峯溪
流時激壯清響攬松風扁舟下灘去屈曲如游龍捩柁
避危石瞬息山千重嗟彼上水船咿嗟各西東日行數
十里泊舟當下春憶余桐江路淹滯感萍蹤陸行今十
日臨流對征蓬勞生事行役翹首羨飛鴻

水碓

轉如轆轤捷機如桔槔巧旋運借天功人力所施少飛

瀑下危灘臨流茅屋小屋中機械藏春穀家家飽一夫
抵萬牛利用誠可寶何物堪同功火井思蜀道

冰口舟次

山行無路復乘舟獨客蓬窗景最幽落日千家燈影亂
平江一枕櫓聲柔憶從跨馬辭京國喜見抽帆到海陬
三斗紅塵今撲盡秋光已逐水東流

洪山橋

江程盡處鎖虹橋地接榕城十里遙船似蜻蜓飛欵欵
人如鴻雁路迢迢羣山黛色迷寒霧大海琴聲雜暮潮
早識此邦文物盛漫拋鉛槧負乘輶

受業蔣彬蔚校字

松風閣詩鈔

長洲 彭蘊章詠莪

卷十一 問心集 古今體詩九十三首

問心堂課士口占

丙午

乘傳居然到海濱三年校士始今辰潞河春雨懷前度

甲辰春至通州試順天二十二州縣童生

閩嶠秋風感夙因

先伯父少司寇公會典試閩中

傳世文章千古事及時桃李一番新敢誇老眼明如鏡
慣作門前鵠立人

登浮青閣

朝來高閣一憑欄城市居然眼界寬門外潮聲喧萬弩

簾前山翠擁千盤人如賓雁憐孤影天似秋陰送薄寒
卻喜移家雲水窟舟車歷盡夢魂安

題劉玉坡制府

韻珂自立圖公撫浙時作

盤錯保危城窮黎萬戶復得生精誠感海若驚濤一夜
皆歸壑問公致治何由神已欲立今兼立人昔公撫浙
爲衆母去思之碑在人口禦災捍患獨立而不懼排雲
披腹擎天手歲月兮駸駸白髮兮相侵展畫圖於閩嶠
想見錢塘江畔焚香清夜悄乎憂深豈有青衫朱履飄
飄焉如漫叟之入山林蓋可繪者巖巖之貌而不可繪
者蹇蹇之心

歲云暮矣喜黃生至

喜拂征衣送臘前爲言風雪滿山川昔從王粲登樓賦

兩如曾應王夢堂學使之聘襄校順天

今共袁安對榻眠

與袁宗山同峻居小鱗峒館

阪馬蹄何蹀躞舊巢燕羽自蹁躚南方冬日梅花發漫

詠金臺炙硯篇

甲辰冬與沈棟泉錢警齋詠炙硯阿筆等詩

題江寂叔

湜

立馬雪中看嶽色圖

嶽色撐空碧落高衝寒何處醉葡萄凍雲深壑泉聲澗

禿樹歸鴉雪意豪詩骨峻嶒磨白戰名場蹀躞戀青袍

殘冬又作三山客欲向滄洲釣六鼇

登三百三十三王亭望城外諸山

亭在署中爲大興朱竺二君學使

建亭前環立三百三十三石皆其
所得土購而持贈並各鐫其名焉

空亭突兀帶斜陽瘦石嶙峋碧繞廊環列兒孫皆下拜
不知誰是丈人行

廿四龍鱗般若臺千秋未盡沒蒿萊空懷筆虎增惆悵
何日巖前剔紫苔

華巖秀色冠三山只有風雲自往還三十六奇探不得
蜃樓咫尺幾人攀

聞道城東有鼓山城中遙望好烟鬟高僧刺血書經卷
喝水巖前晝閉關

送鄭夢白中丞

祖琛

赴粵西任四首

丁未

相逢曾幾日彈指卽天涯甘荔未成實幽蘭初試花我
行先作別君住本無家極目離江路飛飛雁影斜

茗溪好風土山水藹清暉毓秀人文盛匡時傑士稀先
生敦古義獨出赴重圍歎息曹江畔蕭條遊子衣

寧波告警

時公告養在籍慨然
赴軍中籌畫守禦

越石同袍久

王坡制府在浙
時卽與公共事

彭宣贈紵新行行一揮手

寂寂各傷神桂樹好畱蔭柳條方弄春甌閩山萬疊還

望馬蹄塵

風流承夾漈鸞鳳歎無儔獨種菩提樹同移般若舟

公著

戒闢說又與潘功甫舍人同撰勸濟
溺文刊本屬余於按試時散給生童

畫圖披谷口

公有小谷

口畫圖旌旆代南州與徐松龕中丞對調莫惜關山遠郵筒好唱酬

題楊雪椒光祿慶琛松陰飼鶴圖

名山無雜木百尺老龍鱗瘦影翔孤鶴高齋伴主人芝田如可種秫圃未全貧策杖烟霞裏梅花耀古春

潘功甫舍人屬題武夷九曲圖雜書八絕卽以寄懷

懷

先生示我九曲圖來尋漁仲山之隅舍人屬余攜至閩中并乞鄭夢白中丞

題斯人已向桂林去行過武夷看不殊夢白移節粵西路過武夷

考亭講院荒烟中一語維持賴鄭公建陽考亭書院將廢予言於夢白延

廣文主講我過建溪欲相訪獨愁此意無人同夢白本欲振興考亭今惜已調撫

粵西

人弱誰能如已溺菩提種子世間稀

功甫因閩浙多溺女特著勸濟溺說

屬余攜入閩中勸導夢白又綴一文余加一示同付刊本攜至按試各郡散給士子香醪萬斛醞

醕潤獨飲其如酒力微

黃塵紫陌感華顛來訪名山有夙緣記否白門同策蹇

少年意氣渺雲烟

功甫與余同試白門騎驢入太平門各振策爭先迄今已三十二年前事

矣

無田不退笑東坡仲蔚蒿廬竟若何天際閒雲爭出岫

人間幾見雨滂沱

未有名山藏著作何能竹帛紀功名紛紛擾擾知何意
孤負清鐘午夜聲

偶因拜墓入家山歷歷當年路往還

去冬余道出家園入山掃墓五日

訪到山僧多物化空畱茅屋在人間

秋蛸不食須脫蛻春蠶欲眠待吐絲楊柳未黃桑未落
絲成蛻盡定何時

仲弟從余至閩仲春試延平竣事卽由建寧歸里

送別二首

雁羽分飛十四年暫遊閩嶠對牀眠吾生最寡唯兄弟
客裏相依到海天遙邈家風思述者每論往事各淒然

依依楊柳勞人感博得名山記一篇

髯齡孤露並堪憐弱蔓成陰自有天門祚未衰吾獨幸

父書能讀汝唯賢別來梧院容顏老

舊居碧梧廬

偶到榕城

去住便白髮蕭疎情尙壯慣攜琴劍度山川

建郡試院作

閩山萬壘削芙蓉覽勝來登第一峰三月韶光開試院

千秋理學仰儒宗

郡爲朱子講學處

松筠晚歲姿還秀

歐邑馮正炳六

十遊

喬梓聯柯蔭更濃

張逢年及其子冠英同登

今日簪花傳韻事

長安陌上盼相逢

得仲弟書知已度仙霞嶺

別我山千疊飄然歸故鄉早梅曾共賞甘荔未同嘗
度嶺日將暮遊湖春正長光陰一彈指去去臥漁莊

建寧贈陳雲門總鎮

述祖

曾向吳門作寓公相逢兩度建溪東當年海角馳戎馬
君曾任定海鎮此日山堂射畫熊儒將風流清望重勲臣閥閥
賜階崇與君閒話蘇臺景柳色金閨在眼中

鷺洋口占

日高曉霧未全收茅屋巖前景最幽正月桃花紅滿樹
人間自有越春秋

建溪水閣卽次和兩如延平登大觀樓韻

閩山三月天多雨門外時聞吠蛤聲人靜始知湍水急
霧收纔覺遠峯明春禽嚦嚦如迎客嘉樹葱葱半繞城
行過虹橋灘漸穩白沙深處一舟橫

由麻沙至邵武書所見

清谿深處有人家結伴攜筐去采茶行過長橋都不見
滿山開遍刺桐花

大麥已收秧已插農家暫得幾時閒稻田十日苦無雨
水碓吸泉灌一山

榕樹蟠拏蔭一村枝垂到地又成根包羅山石渾無數
松柏孤高莫共論

初夏邵武試院作

不須登眺有高樓靜坐軒窗景倍幽
亞字闌干人倚處一庭細雨似蘇州

酴醾如雪柳如絲已及長安芍藥時
秋盡冬來花不斷東君無令定花期

觀瀑

山行逢雨後竟日聽流泉激石雷聲壯
懸崖雪色鮮歸墟終到海潤物本從天
倘使歌雲漢何能及我田

將至汀州宿石牛塘行館作

烟巒疊疊路迢迢雨後春泉走怒潮
一穴如臍山頂墓

連薨似翼澗中橋道旁人語煩重譯屋後禽聲徹永宵
好趁新晴度溪去穿林未惜馬蹄遙

盤蛇逕曲澗聲長行過前岡繞後岡雲擁千鬟新雨到
風來四面野花香引泉別嶺看連竹眠犢前村罷插秧
未及黃梅先溽暑亭亭荷蓋滿芳塘

汀州試院玉衡堂獨坐口占

虛堂延伫久幽景畫難如雨後看山近風前覺樹疎展
聲聞斷續吟韻出紆徐童冠春風裏何人會起予

汀州玉衡堂雨中看山作

白雲滃然起忽失牆頭山微風吹細雨濛濛天地間潤

物固可喜恆雨亦爲愆剛柔得中道造化始無偏堂前
俊髦士如木待澤然誘之以古訓恂恂樂我寬豈無稂
與莠尙煩鋤且刪雨止日光烈山色連青天

龍巖道中

峯轉人烟密彎環路欲迷梯田橫樹杪水碓傍花蹊榕
老一村底山深百鳥啼肩輿行得得坐看夕陽西

歷試各郡新進弟子員多以其母苦節請褒者感
而有作

先儒垂禮教遺澤到于今

閩爲宋大儒
講學之地

問俗乘驄馬褒

賢重士林孤兒數行淚慈母卅年心動我蒿莪感空懷

陟屺吟

先慈棄世九年余始遊屺

汀州校射屢過蒼玉洞未及題詩行至龍巖勝于蒼玉洞者不少徘徊奇景爰記一章東汀州太守

李竹朋同年

佐賢

汀州蒼玉洞石笏撐青天峪呀勢空曠樓閣森其間老樹臥洞口下臨急水湍湍中多白石突起爲層巒造化毓靈秀水清石不頑羨彼好事者留名鑿其巔悔余當執掌未及題詩鑄及行龍巖路石洞如屋然晴晝滃雲氣滿屋飛寒泉其石峭而潤奇狀非一端或蹲如伏虎或翥如驚鸞或芒如劍戟或立如衣冠或下垂如釣或

旁架如椽天工弄神斧斲削出大觀我行六七日愴恍
如遊仙乃知蒼玉洞窺豹止一斑有奇不獨賞寄書李
青蓮

詠佛手柑

南天候常暖花多香氣失惟有秋蘭花一朵香滿室更
有佛手柑其香與蘭別蘭香幽而靜佛手濃且烈江南
秋爽時木樨差堪匹此果洵美矣稱名則何說良因金
色臂曾聞梵經述合掌與摩胸肇錫歸之佛自闢洪荒
來此果生南土當時未有佛佛手名非古

萬松關

蒼翠入雲間層巒繞一關更無人到處只有鳥飛還峻
坂經千折荒村雜百蠻惟餘高曠意回首出塵寰

九月望日由泉州至永春塗中秋風大作計自首
春按試迄今寒暑已更巡閱倥傯於士習曾無裨
益良用自愧各郡司鐸惟興化莆田仙遊及漳之
南靖訓課尤勤士林嚮慕喟然有作非獨嘉此數
人亦將以勵其餘也

閩南九月時吟蟬猶未歇暑氣今初降秋風爽肌骨陟
山喜雲開穿林看泉出莫嘲張蓋遊境清神自逸我行
始孟陬我歸在陽月征塗歷寒暑駐馬搜篇帙雞鳴肅

衣冠何異趨朝日駢駢敢云勞諄諄誨常切此邦多俊

髦文行兼華實聞風能起予從善勇無匹觀此怡我心

相長本儒術

余以先嚴所輯廿二史感應錄暨潘功甫舍人撰勸濟溺女文鄭夢白中丞撰戒

關說並余自刊惜字果報錄等書散給生童有邵武優

生廖天衢汀州優生馮安邦俱願重刊以廣流傳上杭

紳士有願振興育嬰堂者泉州貢生陳黛青願將戒關

濟溺二書遍傳鄉里以資化導其餘諸生呈所刊勸善

之書求作序豈無陷愚蒙舞文干法律獄訟及錙銖爭

鬪起豪忽褫繫及施楚不恤申韓筆揚波不撤薪止沸

何能必良慚學校司無功笑迂拙

漳州生童舞弊懲治數人各郡生員因案

革衿戒飭者已四十餘人之多

嗟彼廣文官科名皆甲乙寂寞守青氍

蹉跎垂白髮朽索馭奔馬安能救顛蹶就中誰最豪南

靖推人傑

敘論劉宗成

興化三賢宮青雲器宏達詩禮振綱

維才俊歸識拔善誘會以文潛心入理窟彬彬絃誦人
薰德芝蘭室束身如圭璋何肯使玷缺安得秉鐸才皆
如此矻矻使者坐論文無爲事苛察

大鵬山

大鵬如欲翥回顧永春城度嶺看逾肖摩天勢不平飛
泉含雨氣灌木起秋聲不盡登臨興山前暮靄橫

興化試院對菊書懷

山水致清曠其如鞅掌人四時花迭秀把玩辜芳辰首
春事行役初涉延平津始見桃李郁尋看荷芰新秋蘭

馥龍巖丹桂榮永春迨茲孟冬月
闕嶠將周巡駐馬梅峯下黃菊綻
霜晨空庭列盆盎層疊山嶙峋開
軒日暝對瀟灑超風塵愛此供詩料
不辭酌酒頻舟車行暫息花木情相
親但驚歲月改予立天涯身親交渺
難卽我懷向誰陳

先君子輯廿二史感應錄夢白中丞重刊於粵西
以廣流傳并撰序言寄示賦此志感

王化明賞罰儒功歸勸懲陶淑在當世千載聞之興悠
悠古簡冊傳紀非無徵綴筆事採擇清濁分涇涇勸戒
師古訓剴切同箴銘鑿楹得是書垂老愈服膺旣欲持

自鑑還用貽友朋去年忝使節攜此閩山行公移粵西
去持贈有餘情比聞付剗剗流傳廣殺青更煩元晏筆
敘述爲光榮所欽同善意豈唯感垂名小子濫掄才無
術陶羣英一編本家訓啟迪資儀型余刊于閩以給士子爾來戒
鬪說亦遍漳泉汀夢白撰戒鬪說屬余散給各郡生童薄俗驟難易公願
則已宏粵西風淳樸施化或易承殷勤勸開墾會見鄭
渠成下除民疾苦上作

帝股肱仁投榕門集官箴傾耳聽公至粵西因多曠土作勸墾說又刊陳文恭公在官法戒錄
等書將以見貽

十月五日興化試院憶去年今日西山掃墓

十月蕉林絡緯啼梅峯頂上草萋萋驚聽昨夜吹窗急
木葉紛紛墜碧溪

江南已過木樨時搖落山容瘦更奇拜墓匆匆今一載
驚心歲月去如馳

哀周蓉初比部同年

昇

弱齡登甲科壯歲仕郎官蹉跎行半百野鷗來無端良
農早刈穫釜米不及餐辛勤苦手足與子同一歎下無
黃口兒寡鶴聞哀彈想當捐棄日行路爲辛酸況我同
袍久天涯涕洟瀾

百一詩

束髮慕古哲伏陛吐忠肝自矜康濟畧所恨非言官
蹠老將至儼戴觸邪冠寂寂無封事緘默以自安民生
與國計痛癢豈不關建言誠易耳得人良獨難徒懷素
餐恥焚香詠伐檀

榕城歲暮偶成

南方氣不齊寒暖四時迷每見花冬發時聞鳥夜啼終
朝窗黯黯送臘草萋萋所幸無霜雪巡檐手杖藜

題岌叔集道堂詩卷

奧窔昌黎句嶽崑山谷詩兩賢生異代隻手在今茲刮
目三年學傾心一字師夢中誰授筆使爾露瑰奇

松風閣詩鈔卷之十一

三

題黃蘗洲太守慶安二硯圖

戊申

十硯飄零存二硯

蘗洲曾伯祖莘田大令藏古硯十名其居日十硯齋今蘗洲於山東得其

一河南得其一搜羅早已遍鄉關不圖江左留其一更借輶車

爲送還

余三十年前在家得十硯齋硯今以贈蘗洲亦異時佳話也

三年水部舊同曹海上相逢感二毛可惜風吹雲出岫

未容共聽鬱輪袍

時蘗洲將出山

衡山手筆早朝詩盡是昇平雅頌詞一卷感君持贈意

豸冠歸去傍

丹墀

蘗洲以文待詔書早朝詩卷爲報

白鶴嶺

素聞白鶴高到此乃直下始知此山巔卻爲羅源借羅

源似平衍其高實堪詫今從千丈落盡日不得罷俯視
海中島巔劣如筆架放眼滄洲寬聳身雲霧駕泠泠御
風行飄飄若羽化短吟紀壯遊何必尋嵩華

白石渡海汊

下流卽滄海今東兩崖間波浪亦已猛無風行尙安焚
香告海神我來自雲端此去仍天半豈知行路難更聞
飛鸞渡洪流湧急灘我行不到彼涉此水一彎布帆好
相送春光龍首山

先慈諱日福寧試院感懷

半生祭奠在天涯海角行臺詎是家四十九年駒過隙

孤兒兩髻點霜華

蘭陔堂裏殯宮安白髮重幃血淚彈

先慈殯於蘭陔草堂時祖慈尙在

三尺兒童知底事麻衣空對素帷寒

扁舟移櫂到堯峰十里橫塘飽朔風

十二月安葬是日大風

賴有

鵲原諸父在替呼畚鍤夕陽中

蘊章乘舟後至伯父秋岳公叔父竹坡公先已

送柩入穴俟蘊章至祭奠後卽封塋

列鼎何如負米年青燈獨夜淚潸然委蛇九棘終何補

惆悵家山未表阡

仲春至霞浦寒甚口占示同行諸子

南方氣候暖三冬始著棉蠅蚊時聚閑狐貉常棄捐二

月戒行李單袷堪禦寒誰知龍首畔凜冽如幽燕北風
吹麥隴冷雨灑梅田春寒砭肌骨安得酒如泉良因濱
東海又處山之巔其外無屏蔽東南水連天地勢踞高
峻腳下生雲烟十日九陰霾非爲時序愆風霜吾久歷
念茲諸少年相從到海角號寒實可憐

霞浦八景

龍首鍾靈

山形宛如龍曲抱霞浦郭卻似安公騎揚髻望碧落

馬鞍獻秀

走馬海東天何人遺此鞍女媧來煉石下馬便乘鸞

白巖溪水

巖泉流百道奔注茲溪中秋夜月明處練光如白虹

赤岸石橋

斷岸垂虹亘碧波橋下明四山霞彩起疑傍赤城行

南禪佛刹

層巖路紆曲古刹現南禪縹緲諸天近鐘聲聞隔烟

後港漁舟

曲港可垂綸漁舟泊烟際日暮秋風生中流自搖曳

松山戍角

萬松圍一山赤堞化爲綠卓哉古賢哲所至美風俗

梅嶺郵亭

梅嶺花如雪停鞭玩早春故鄉千里遠折此贈何人

桐山四景

福鼎縣

石湖春漲

石湖在吾郡此地亦同名春水碧如此懷哉范致能

蓮花曙月

太華峯移此倚天削不成月明山夜碧一杵梵鐘聲

玉塘秋色

玉塘橫十畝秋色滿漁莊白露零豐草霏霏杭稻香

雙髻凌雲

仙妹留髻影蒼翠壓人寰跨虎歸眞去何時還故山

寧川二景

鶴嶺停雲

白鶴翥雙翼矯如謝籠樊惜無王喬侶控此登天門

飛鸞湧月

飛鸞仙蹟杳海角夜通潮乘月中流渡如聞吹玉簫

石堂六景

寧德縣

翠屏霽雪

千林雪初霽遍地森琪花曲曲翠屏路欲尋樵子家

石屋朝雲

滂然雲氣出石屋青濛濛千載題詩客吾懷韓信同

元人

笑天獅子

唐山色堆藍兀立如獅子萬里出函關誰能維繫此

蛟潭浸月

九曲唐溪水當年起老蛟空潭留月影珠彩散溪坳

文峯卓筆

東海爲硯池山雲作潑墨巨靈來書空負以大鵬翼

棋盤仙蹟

昔聞爛柯山觀棋更時代今見此山中仙蹤無定在

壽寧四景

本房詩集 卷之十一
二
爐峯宿靄

雲氣裊爐烟青峯高接天潯陽泊舟客到此重留連

仙嶺石乳

萬仞攀仙嶺明珠走玉盤爲嘗清冽味芒屨上層巒

仙橋臥象

巨石形如象臨流長鼻垂浮虹通絕澗還憶渡河時

七星長橋

一澗急湍瀉驚心待渡人鼉梁橫十丈莫復問迷津

霞浦試院雨中看山作

北方氣暖雨將至捲地風來天豁霽閩南風作霖雨隨

晴望山頭朝霧蔽山川亦各有性情海角自與中原異
如人欲洩心鬱陶或託歌嘯或流涕千山磅礴鎮東海
磊落頗得畸人致吾生自覺患平庸喜借峯巒益奇氣
孱軀未耐霧露侵豪情仍向烟霞寄東有太姥西武夷
芒鞋一兩平生思

龍首山中看雲起

白氣蒸萬壑須臾遮一山空中飄細雨雨歇雲上天前
山忽平頭後山忽削肩深谷漫如海不辨水與烟惟聞
潺潺聲知是橋下泉行人屢相失飛鳥時來穿東嶺日
光漏西巖仍黯然午風吹漸散松篁露鮮妍行行望村

落還在有無間

登龍首山望海樓作東莊衛生太守

受祺

昨披太姥圖羣峯蔽虧天模糊

福鼎生員陳九苞畫

今登龍首山

飄飄身墜滄洲間升高望海雙眸豁但見帆檣遠天末
縹緲蓬萊不可求鯨魚跋浪使人愁行盡千山忽無地
莽莽乾坤古今思我聞海上多神仙摩霄峰頭曾鍊丹
容成一去幾千歲葛翁躡屩登其巔山高水深人迹絕
時有白鶴飛翩躚篆文六字尋不得明珠閤采藏驪淵
唯聽萬松嶺畔濤聲急鳳笙龍管吹嘈雜豪氣猶勝酒
百觴鄉心莫問雲千疊太守毘陵我故人相逢海角更

相親來朝揮手度嶺去嶺上鶯啼時暮春

觀耕山田作

海濱斥鹵多山田層層直上山之巔最高灌溉待時雨
下者鱗次承流泉春耕人在白雲裏秋穫擔從黃葉邊
生齒日繁地力盡手足不惜胝與胼田磽還幸賦稅薄
終歲八口衣食完邇來白鏹價增倍一兩兩貫青銅錢
鬻米得錢錢有幾市鏹竭厯輸在官園法久廢錢不鑄
民間日用常缺然仰觀耕作坐太息

朝廷立法原從寬

度白鶴嶺避雨作

濃雲蔽山頂人向雲中行匝地作水色空中聞雷聲風
吹急雨至旅客心怦怦半嶺喬木下三弓地卻平停車
看雨過始見羣山青因思去年夏冒雨遵長汀今值載
陽候淒淒雨復零危磴陟百級僕夫足凌兢旦夕眺東
海行役勞吾生

受業蔣彬蔚校字